

SECCION AMENA.

NERE AMETSAK.

Bein egin nuben amets-
bat oso pisuba,
echean artu bear
nubela izuba;
etzan gezurra irten
ametz egitsuba,
zarri kanpanak eman
zuten abisuba,
gure echean zala
chiminitik suba.

Beste bat egin nuben
andik bereala,
idiyak arrapatu
bear nindubela;
bada nere ametsa
atera zan ala,
iñautegiya zan da
begira nenguala,
arrapatu ninduben
nik ezdakit nola.

Andik geroagora
nuben berriz egin,
bestek eman da artu
bear nubela min;
denboraz gertatu zan
au ere nerekin,
pelotan nebillela
nere lagunakin,
begiyan joninduten
pelota batekin.

Beste arrats batean
zitzaidan burura,
urtan etorri bear
nuela apurura;
nere zori charrean
zarri amets ura
gertatu zan egiya,
eran nuben ura,
nintzalako erori
kayean putzura.

Urrena egin nuben
(ez baitzait aztuko),
zerbaitek erorita
nindubela joko;
egin nuben ametsa
egi gertatzeko,
tella bat erori zan
eta arrek ni jo,
zeñak bota ninduben
korde bage seko.

Segiran egin nuben
penak bukatzeko
zitzaidala loteri
on bat aterako;
bada chartel bat artu
nuben artarako;
teta zer erori zan
chartel arrentzako?
utza, eta ezer ez
berriz neretzako.

RAMON ARTOLA.